



क क्को कोड रो....

कन्हैयालाल सेठिया

परगासक :

दिव्या प्रकाशन

सुजानगढ़ (राजस्थान)

पोष्टी मिलनें री जग्गो :

धी जयप्रकाश सेठिया

३, मंगो लेन

कलकत्ता-७००००१

सगळ्या इदकार लिखारै रा हे ।

मोल पचास रिपिया

मुद्रक : भागचन्द सुराना

सुराना प्रिन्टिंग वर्कर्स

२०५, रवीन्द्र सरणी

कलकत्ता-७००००७

दूरभाष : ३६-४३६३

# क !

वरणमाळा रो पैलो आखर 'क', कलम रो 'क',  
कागद रो 'क', कविता रो 'क' र म्हारै नाव रो  
आद आखर 'क' । कोनी चाली 'क' स्यु आगै  
म्हारी भणाई । 'क' ही म्हारी कमाई'र 'क' ही  
म्हारी अजबाई ।

जका पूग स्या 'है' ताई' में भानू बां री खिमता,  
मनें जाणद वा नै माथा नमता ।



## मांडणा

एडो	छेडो	एडो	छेडो
१ कक्को कौड रो ।	६	१२ करसो ।	२२
२ काळ ।	१०	१३ मतीरा ।	२३
३ मील रो पत्थर ।	११	१४ सभाव ।	२४
४ अणभूत ।	१२	१५ पतिंगा ।	२५
५ पीड रो अमरित ।	१३	१६ धिंगाणियो ।	२६
६ साखी ।	१४	१७ आगियो ।	२७
७ अतरिख रा बटाऊ ।	१५	१८ डोरो ।	२८
८ मन ।	१७	१९ बीज ।	२९
९ मवाल ।	१८	२० मोळा ।	३०
१० निरधक ।	२०	२१ मिनख ।	३१
११ स्याणो ।	२१		

एडो	छेडो	एडो	छेडो
२२ घिणाप ।	३२	५४ रोहीडो । (१)	६७
२३ दर्पण ।	३३	५५ रोहीडो । (२)	६६
२४ आदत ।	३४	५६ भुल ।	७१
२५ गुण गाहक ।	३५	५७ जुग घरम ।	७२
२६ चोरटी चमर ।	३६	५८ आदमी ।	७३
२७ साच ।	३७	५९ मोटो सिरजण ।	७४
२८ कविता ।	३८	६० चीडी चीडो ।	७५
२९ परमाद ।	३९	६१ साची वात ।	७६
३० भूख ।	४०	६२ भरम ।	७७
३१ रात दिन ।	४१	६३ पडूतर ।	७८
३२ फरक ।	४२	६४ सरख भखसी ।	७९
३३ निराकार-आकार ।	४३	६५ तारा ।	८०
३४ बघेरो'र च्यानणी ।	४४	६६ सुरज ।	८१
३५ जलम-मरण ।	४५	६७ मिनख'र वितली ।	८२
३६ कायर ।	४६	६८ गतागम ।	८३
३७ कविता ।	४७	६९ नेतार'र जनता ।	८४
३८ झूठ-साच ।	४८	७० खिलगी अधखिली ।	८५
३९ कारीगर ।	४९	७१ कुण ।	८६
४० आपद् घरम ।	५०	७२ लीगात ।	८७
४१ रोमलो मिनख ।	५१	७३ माटी ।	८८
४२ घरती'र गिगनार ।	५२	७४ भेद बुध ।	८९
४३ रात ।	५३	७५ कुथारी साच ।	९०
४४ सिद्दा ।	५४	७६ छठ, कर कूच ।	९१
४५ शारी मनस्या ।	५५	७७ साच ।	९२
४६ बीज ।	५७	७८ बौघड ।	९३
४७ पमवाडो ।	५८	७९ सन्दर्भ ।	९४
४८ हुणी अणहुणी ।	५९	८० फरक ।	९५
४९ तारा'र सुरज ।	६०	८१ चौमासो ।	९६
५० काळजयी ।	६१	८२ आलोक पुरुष ।	९७
५१ दिवलो (१)	६२	८३ दिवलो ।	९८
५२ दिवलो (२)	६३	८४ दिन'र रात ।	९९
५३ दिन-रात ।	६४	८५ नीमडो	१००

जयकिशनदास सादानी  
मोहनलाल खोटा  
सीताराम महर्षि  
श्रीचन्द बेद  
दुर्गादत्त माटोलिया  
ने  
घणै मान



क छो कोड रो....

कको कोड रो !

लिख दीन्ही  
पोथ्यां निरी  
पण कठे आयो  
हाल माडणो !  
कोनी चाले  
कक्के कोड के स्थूं  
आगे वरतो,  
करूं निरधक  
घस घस'र इंडोळ्यां  
पाटी - चीकणी  
घणां आंतरे हे हाल  
बो मारतेर घन्तो !  
दीखै परतख  
पडे मिरजण रे पैली  
घरती नै तपणो,  
करै आण्यां'र भद्रळिया  
भिन्ट  
धोरां रो माजनो  
जद वणे  
अंतम री पीळ  
घुमट'र  
कळायण,  
फेर वण ज्वावे वा  
मोरियां रे  
टहुकां स्थूं  
रमायण ।  
३-१०-८८

\* वरणमाळा रो आखर'स'

## काल

कोनी

चुरा सके कोई

बगल री

झाँख

बों री निजर में

सगळ्हा पग'र पाँख,

बो ही बैठो गूगो

बीज में

हसते फूल में

रुस्पोड़े काँटे में,

कोनी बीं रे वासते

कोई डूंगर ऊँचो

कोई समदर गैरो

बीं रे ही

अलग्ग हाथां में

मिम्टी री माँद री मूरी

कोनी सुणीजै

बंतल करता बटाऊदा नै

बों री टिचकारी !

## मील रो पत्थर !

गरज  
गेला री  
पगा नै  
कोनी खगा नै  
जका री दीठ में  
गिगनार  
छडे पाख पसार  
पखथो सपटमपाट  
न टेढो न आटो  
न काकरा न काटी  
जे बठेई कोई  
मील रो पत्थर  
तो वो  
छगतो 'र आथतो  
सुरज ।

६-१०-८८

अणभूत !

कर सक्यो है

कुण

क्यां रो ही

निवेणो ।

कोनी गिणीजै

समदर सी लैरां

गिगनार रा तारा

डील सी रुआंळी

मन रा विचार,

याध दी

गिणती री भणार्ई

दीठ नै

पुदगळ स्यू

कर दी

पचभूत

चेवणा नै चेताचूक,

चावै जे

अणभूत्थो

विरमाड, कर ले

दीठ नै माय

अणज्या सरदास ।

पीड़ रो अमरित !

मथ'र  
मन रो  
समन्दर  
काकपी  
सबद रै  
घड़े मै  
पीड़ रो  
अमरित,  
कोनी  
भाज्या लारै  
देवता'र राकस  
जाणै इण  
संजीवन रो  
सुवाद  
खाली मिनख री  
मवेदना !

८-१०-८८

साखी !

विष्ये  
खिण मे  
पहमी  
किण रे  
गरभ मे  
धीज  
करै  
इण रो  
निरणै  
जीव रा  
ससकार,  
हुसी  
हुण रो साखी  
बो अदीठ।काळ  
जको  
कोनी घटण दे  
कोई  
अणहुणी !

अंतरिख रा घटाऊ !

कोनी कर सक्यो

कम

अंतरिख में

गयोई

मिनखा रो विवरण

चनरमा रो आकर्षण !

सूखा डूंगर

सूखा भमदर

निरजीव घरातळ

न पुन न पाणी



कोनी कोम सकी  
 अै जाणकाह्या  
 वीं रा विशेषण,  
 वो तो  
 वो ही रसेश  
 करै रस वर्पण  
 लागै फाल  
 फळै फळ  
 हुवै मजीवण  
 कण कण  
 करै देख'र  
 जायोइ नैहर  
 रतनाकर  
 चुगै अंगारा  
 मोयी चकोर  
 मान'र सुषाकर  
 अडीकै  
 शरद री पुन्यु नै  
 देखनियां ताज  
 लागै  
 कभी कयानणी भ  
 सँदेही सुमताज  
 करा दे चीत  
 धोळै दोपारा  
 चार नै  
 गोल मटोळ चैरो  
 कोनी मुजाण सकै  
 कुदरत री सांच नै  
 सपनां रैं बेरी  
 विग्यान रो  
 पगफेरो ।

मन !

फिरुं लेतो

अचपळे मन स्यू

ओला

कोनी लेण दे

जक

ई री मक

रवे

लाभोबा लार

घालै पोडा

इण रै जायोबा विचार,

बरज दियो

कती बार :

पण कोनी सुणन नै त्यार

म्हारी बात

ओ निलजो

लगा'र घात

थडीवै दिन'र रात

कर्णा खुकै फाळ

भागसी कतीक ताळ :

जाणै ओ डेटो

जीव री सभाब

कोनी सावटे

आपरो विछायोडो जाळ ।

६-१०-५५

सवाल !

किया मिली  
तुने

मिनख री जूज :

क्यू कोनी बण्यो

कीखी'र मकोडो

माखी'र माछर :

कई ओ जायक सजोग :

का ईण रे लारे कोई ओग :

जायो के कणाई

मन मे

ओ सवाल :

सुणीज्यो के

माय ने ह्यू

कोई पइतर :

कोनी चित सकै

आ बात जिनाबर  
 जका रो  
 सहज बाध  
 प्रजनन'र उदर,  
 दीन्ही  
 तने कुदरत  
 आ खिमत',  
 पण तू  
 थकां बीठ  
 हू'र आघो  
 भाजै तिसणी रे स्तारै  
 कौनी करै विचार  
 काई नार काई असार :  
 गमगी मन रे अधेरे में  
 असम री चेतना  
 गिटगी वासना  
 हिये री सवेदना,  
 कठै गई स्याणप :  
 तू साव भोळियो  
 मान लियो निज नै  
 जाबक हाड'र मास रो  
 खोळियो,  
 ओ धारो अभाग  
 पण तू जाग  
 लठ परमाद त्याग  
 खिड्या पेसी  
 पचभूत रो मेळा  
 सुण  
 जीव रे बैरी  
 काळ रो हैलो ।

८-१०-८८

निरथक !

आ'ग्यो

आयो

छूटगी लारै

मंजल

यावद पाछो

कोनी चालणै हो

कोई अरथ

जे नहीं पुगै

मिनख

ठोडसर !

स्याणो !

सुण'र खुडको  
कोनी खोलै  
मटसी'क मोडो  
पूछै पैली  
कुण ?

सुण  
सैंधी बोली  
सिरकावै  
वागळ  
पण कोनी  
चितणा उडी  
जे हूँतो  
स्याणो  
कोनी बढती  
वामनावा  
समझ'र  
धारी आम्ह नै  
धरममाला ।  
१०-१०-८८

करसो !

बावै  
मिस्टी रे खेत में  
करसो गिगनार  
सूरज रो बीज,  
सीचै हाळण पून  
काद'र समंदर रे  
कुअै स्यू  
बादळा री भरी चडस,  
पावया फसल  
चिगदै  
अधैरे रे रिगदै स्यू खळी  
निकळै तारा रा दाणा  
आवै चुगण नै  
खोस'र  
ऊजळी पांथा  
हिल्योडो  
चाद कवूतर ।

मतीरा !

किया  
लयापो हूँ  
छठा'र  
सोटा सट्टे  
पीठ रे खेत र्यू  
सबदा रा मतीरा  
जाणै आ बात  
म्हारी जीव ?  
अयै भलाई कर कर'र लीरा  
कुचर कुचर'र  
खुपरया  
पिओ अमरित सो  
पाणी  
पण अती धानै  
म्हारी भोळावण  
राखीज्यो बीज ठाया  
आगली रुत राणी ।  
१२-१०-८८



**सभाय ।**

जे  
सोधता  
हीरो  
पड्या  
आंख में  
राबळियो  
फिरे देतो  
रेत नै आळ  
काढतो गाळ  
पण खिमावान  
घरती  
जाणै भिनघ रो  
नुगरो सभाव ।

१२-१०-८८

## पतिगा ।

कोनी आवै  
मान'र लो नै  
चम्पा री कळी  
रम रा लोभी  
भवरा,  
चदसी  
हैं सोनै री सखी  
वै भाबुक पतिगा  
जका नै है  
अ्यानणे स्युं हेत ।  
१२-१०-८८

## धिगाणियों !

उबतो ही  
गिगनार रे  
आळे स्युं हंस  
बडायो  
माय कागलो,  
बणयो जोरा मरदी  
मानसरोवर स्युं  
चुग'र ल्यायोडा  
अमोलक  
नखत मोत्यां रो  
घणो !

१२-१०-८८

आगियो !

भाजगी  
बोछरडी पून  
बुका'र  
दियो,  
पण कोनी लेण दै  
निसक नींद  
वधेरै नै  
एक आगियो ।  
१२-१०-८८

डोरो !

कोनी छोड़े  
डोरो  
सूई की लार  
जठे तारें  
नहीं मिलनी  
बी नै  
बी की परवार !

१२-१०-८८

धीज !

इकीजग्यो  
कळायण ह्यूं सूरज  
उतरग्यो  
दिन रो मूंढो,  
अंधेरीजग्यो आभी  
आ'र बैठग्या  
आळी में पंखेरु  
पण सुण'र छाटां रो  
धोलाळी  
जागग्यो घरती में  
सुतो सिरजण !  
१३-१०-८८

भोळा !

भूल'र  
आपरो सभाव  
कोनी छोडै  
हूळा री देखादेखी  
सुरक्षायां पछै डाळ  
केई भोळा फूल,  
कोनी समझै  
ठफोळा  
रूमग्यो बां स्युं  
मूळ !

१३-१०-८८

मिनख !

बोले

रिण रोही में

भोळ बिलाव

पेट दुखै

होको पीस्यू

करै

थाळा में बेठी

कमेडशा

कूटूं छू

पीसूं छूं

लहै सरत'री राख

बोझरिखी लैलखी

तू गा तू गा,

फिरै अडांवा में

हैकळ तीतर

करता तू कर तू कर

आवै चीत जद

बाळपणै में

सुगोडी याता

हुवै बौ खिण

रस स्यू गळगच मन

छुड्योडा हा

कती अपणायत स्यूं

कुदरत'र जीवण

पण बना दियो

जीभ डाक्ण

मिनख नै

सरवभखमी रावण !

१३-१०-८८



धिणाप !

रच सकै

झकुरही पर

रैणियो सरभंगी

अचूक मंतर

बणा सकै

ठोठ गुवाळियो

मधरा लोकगीत

कर सकै

अणभणियो करसो

कालजयो कविता

सुकेर सकै

मल्यो दोणियो

कमतारियो

अनुठा चितराम

कोनी

कळीवां पर

किण रो ही धिणाप !

चाहीजै दीठ

अणभूतणै री खिमता

निरथक

मोनै री कलम'र

चादी री दवाव

सिरजन रा सीरी

घोचा'र काकरा

का' सोनल धूळ

जकी मिस्टी रो मूळ !

१४-१०-८८

दर्पण !

टूट गयी बी  
दरपण  
हो जकी स्यूं  
मरवण री  
दीठ रो मगपण  
हुगी निदाळ सुहागण  
बरमै नैणां स्यूं  
सावण  
पण  
बुहार'र  
लेगी जकी हाळण  
बा देखणी  
दूव्योड़े डुकळां मे  
पैली पोत  
निसंक हु'र  
आप रो  
रूप'र जीवन !  
१५-१०-८८

आदत !

खोल्या

बिन्द्या ही

हटकी रो पुरो किबास

कर दै पृथणो सरु

छोरो

कठे पड़ी है

कतरणी

सुई'र डोरो

कोनी करे

चिन्थो घणो खीव नै दोरो

मिल ज्यावै सोक्यू सोरो

आ नीव

कोनी सघण दै दीठ

रह ज्यावै आदमी

कोरो रो कोरो ।

१५-१०-८८

शुण गाहक !

उड उड'र  
कालै कौसां स्युं  
पूगगी  
भयकता भंकरा री भीड़  
पण कोनी थाई  
पाड़ोसी कोटै नै  
फूल री मोरभ !

१६-१०-८८

चोरटी उमर !

फिर लियो  
आखै गांव में  
कोनी लाध्यो  
म्हारो चैरो ।  
करै घात बासीदा  
कुण है ओ अपसँधो  
सुसै देखेर  
गली रा गंडकडा  
करू चीत  
हुवै न हुवै  
ले'गी चोर'र  
उमर  
म्हारो सणियारो  
कठै फिरुं सोधतो  
पढ़्यो अबै अघारो !

साच !

बणावे  
कुमार  
लिछमी री मूरत  
बपराणे खातर दाणां,  
बो जाणे  
चदसी  
ई पर  
मेवा'र मन्त्राणां ।  
१७-१०-८८

## कविता !

मरगी

काल

भूष स्पू बापेखा

करती

बापखी कविता

लेगी छठा'र

लावारिश लाश नै

नगर निगम री

सुरदा गाडी

बाज बाची

छापै मे

राखी है

गावघणी रै बडेरचारै मे

बिराट

शोक समा ।

१८-१०-८८

परमाद !

देख'र सामने  
दरहो  
कर लियो बै'तो पाणी  
मन मीठी  
चल्यो चाल स्युं केर  
ले'र विमाई आगे  
पण फिरयो अघारो  
यणयो वादो  
फैलगी चौफेर  
दुरगिन्ध ।

१६-१०-८८



भूख !

देख'र  
घरती पर  
मिठ्ठोडा दाणा  
सांवट'र पांखा  
आ'र बैठग्यो  
पखेरू नीचै  
कोनी भूख स्पू  
वडो  
गिगनार ।  
१६-१०-८८

रात दिन !

पहरयो  
सूरज री  
घघकती भट्टी में स्थू  
सहस्र'र वारे  
एक अघरळयो कोयला  
हुग्यो अघेरो,  
नाख दियो  
सठा'र  
बगत रै चौपटै स्थू  
गिगनार  
पाखा भट्टी में  
हुग्यो समेरो ।  
२०-१० ८८

**फरक !**

वन्द आख  
मीरा  
सुली आख  
कबीर  
भगती  
जमना'र  
शान  
गंगा रो नीर  
२०-१०-८८

## निराकार-आकार !

कोनी-ल्याणे सके  
लपट ने  
हयेळी ने  
ल्याणो पळसी ठूठियो सागे,  
कोनी अणभूत सके  
इया निराकार ने  
राखणो हुसी आकार मुडागे ।  
२०-१० ८८

**अंधेरो'र क्यानणो !**

कोनी  
समूझै  
बन्द थोटडी में  
अंधेरो  
एण राखसी जीवतो  
क्यानणै नै  
खुलो करोखो !  
२०-१०-८८

## जलम-मरण !

नित हुवै दिनुगा  
म्हारो नुंवो जलम,  
करूं चीत  
लारलै दिन री भूलां  
किण नै कया  
करबा सयद  
किण पर करी रीस  
किण री करी निन्दा  
सोच'र हुवै घणो पिसतावो  
करूं विचार  
कोनी करूं अबै चूक  
एण खिण भै  
फिरण्या बारोकर परमाद  
कोनी रवै याद धारणा,  
सुरछीजण्या चेतना  
बैठ ज्या फेर जा'र  
सुगलबाढ़े पर मन री माखी  
चहयो जावै अकारय  
एक जलम और  
पाछा गैळीजै नैण  
दबोच लै फेर  
बा'र  
मौत री छुट भाष नौद !  
२२-१०-८८

कायर !

माजगी

चमा चाळ'र

कुचमादी पुन

हु'गी बी'र

सौरभ रै लारै

भवरा री भीड

घाकगी छडता'री पान्ना

कोनी लादयो फूल

आंधमख्यो सुरज

पिरम्या आडा सुख

जणां कर'र भण भण

कयो डरता

म्हे

कोनी फूलां रा रसिया

म्हे तो हां रात रा बचिया ।

कविता ।

लुक्कयोडा है

रुख रे

रुखै करुण कठोर तर्पे मे

अगगिनत कबळा घानडा

फूठरा फूल, मीठा फल

पण वे आमी वारे

जद बुलासी

रुत रो बायरो

बिया ही

काढ्या

सबदा रो घुघटियो

वेठी अडीकै

कोई दीठवान् नै

अनन्त अरथां री धिराणी

लजवन्ती कविता ।

२३-१०-८८



**झूठ-साध !**

खुलै  
सुनै चौपड़े  
झूठ रै मैल री  
पोछ

चढ़जवा

दबाछट

होदै ममेत हाथी

ऊभी

गाव रै गोरवै

इकलखोरखी साच री झूषी

बस सकै माय

नवा'र माथी

कोई चेतना री धनी ।

२४-१०-८८

कारीगर ।

छाटना पढे  
हरेक रचना सारू  
परबाणै रा सयद  
सुस ज्यावै काठा स्यू  
न वळा पग,  
दीला स्यू  
कोनी भर सकै डग  
जका जाणै आ सान्च  
यै छठासी  
ले'र माप  
नलम'र कागद ।  
२४-१०-८८

**आपहु घरम !**

सुतरज्या  
जैकाण'र ऊँठ  
दुरज्या ऊपाळी  
काल'र मूरी,  
पहचो है  
मुडागै  
पमखोड़ो  
मारग री छाती पर  
पाड़ोसी धारो,  
कर टाळ  
चाल ऊजड़  
फैर पकड़ लेई  
या गेली  
जके स्यू गुड्योडो है  
यारी मजळ री मारग ।  
२६-१०-८८

## रीसलो मिनख ।

जे आवै  
ताते दूध पर  
मळाई  
तो आवै  
रीसले रे  
मूंडे पर  
खुनाई,  
राखै  
माथे नै ठडो  
बो बाजै  
हिमाळो  
नहीं' स  
मै भाटा  
कोई घोळो'र  
कोई काळो ।  
२७-१०-८८

## घरती'र गिगनार !

कोनी

घरती रो कोई

आप रो सभाय

हुवै ताती

तपती ही धूरज,

ठंडी

सगता ही चांद,

आ बठपुतली

नाचै नचायोड़ी

गावै सिन्धु राग

समदर रै गायोड़ी

छड़े अचपली पुन रै

सहायोड़ी

कोनी निज री सत्ता :

पण रवै हर खिण

आपरी मोय में

मोटो अवधूत

गिगनार ।

२७-१०-८८

रात !

अधेरो  
आँख रो काजळ,  
वारा  
झील री बँधाळी,  
कुण कवे  
रात नै काळी !  
बी रो ही रूप  
दीठ  
दिवले री सजाळी !

२७-१०-८८

## सिद्ध्या !

मत चास  
दिवलो,  
दाम्क ज्यासी  
सिद्ध्या रो डील,  
आ ली  
इया ही व्यघघायल  
पडग्यो भीळी रो  
सूरज रे बुकते खीरै पर पग  
उपडग्या फाला  
येथे वा ने  
संवेदन हीण मिनख  
तारा ।

२६-१०-८८

## म्हारी मनस्व्या !

जे हुवे  
म्हारे सारे  
कोनी फिरू ले'र  
कलम री डांगडी  
सिध्या सुबारे  
बळेब सवदा रे लारै,  
मने लागै आछो  
हल'र खेत,  
पगा मे पसरयोळी  
सोनल रेत,  
निपजाऊ  
मोट्या, मुघो घान,  
निरखू ज्यारू मेर



फुल'र पान,  
 सुणू बैठ'र  
 गेजड़ी री छया  
 बभेइया री टपरक टू  
 बबूतरा री गटर गुं  
 भोळ्या मिरपना री ॥ १ ॥  
 देगू मोरिया नै  
 ताणता छवरी  
 नाचती  
 बा रै लागै  
 हरी कचन दूबड़ी  
 करु बाजपणे रै  
 साईना नै चीत,  
 टेहू अलगोजे मे  
 कोई बाजपू री गीत  
 कोनी मनै  
 छप्पण भोगा री भावण  
 रुच रुच'र जीमू  
 बाजरी रा सोगरा'र  
 कांदा रा लगावण,  
 • पीऊं गटगट  
 लोटड़ी री ठरबोड़ी पाणी  
 हुवै रिद राही मे  
 बाँधोड़ी टाणी,  
 मनै लागै  
 कठप्याणी  
 भाग दोड़ री जिनगानी  
 पण कद हुवै  
 किण रै ही मन री आणी :  
 लिख्यैहो करम मे  
 तेनी री घाणी ।

बीज ।

ले लिया  
पबता ही छांट  
पग  
घरती री गोदी में सूतो  
बीज,  
आग्यो  
सिरजन रो खिण,  
कोनी दबै अबै  
कठैई बीच में  
जठै ताँहँ बण'र  
पाछो बीज  
नहों कर देसी  
आप रे आपै नै  
विसरजण ।  
३०-१०-८८

## पसचाड़ो !

फिरसां ही  
बगल रो पसवाड़ो  
बैठभ्यो पीदै  
मोटो सूरज,  
कदाबै  
दिन रै  
घणी री कूट  
बौद्धरखा दिवला,  
निसरग्या बारै  
तोड़'र  
बधेरै री  
काल कोटही  
बागी सारा  
पण कोनी चुण सक्था  
एक मत हुरै  
कोई नेता  
फाटगी  
आपसरी की  
थूका फजीती में  
फेर भाक ।

हुणी छणहुणी !

जायो है  
किण री मा  
इसजो मोट्यार  
जको गिण लै  
मौत रा दात :  
पकड लै  
बगत रो हाथ :  
राख लै  
भाजती उमर ने  
घाल'र गळबाथ :  
चलया गया कता  
तप तप'र घूणी  
भोग'र जूणी  
कद टळी हुणी :  
इयां ईं भुवै वा भूणी  
कोनी हूवै अणहुणी ।

२-११-८८

तारा'र सूरज !

रात रै  
कान्ठै कैंसा मे  
गूथ्योडा  
लाखीणा मोठी  
तारा ।

फुडू लो छतारबोड़ै  
दिन रै माघै पर  
कनारी री टोपी  
सूरज ।

१७-११-८८

फाळजयी !

दिप दिप दीपै जोत  
अधेरो के कहमी !  
देमी निज रा पोत  
कलख रो गढ ढहसी !

चोम मकै वद मौत  
गीत रो रस बहसी,  
घिसगी काळ करोत  
मवद री जड रहमी !  
१७-११-८८

## दिवलो (१)

बाटे मेह नै  
कर'र सजास  
कोनी बिळसै आप,  
जाणै वो  
धिनाप, पाप ।  
२८-१-८६

## दिवलो (२)

करै

खय

सप'र

खिण खिण

अवस रौ राग ।

कर दी

विराग ऊजळी

दिवलै री दीठ ?

२६-१-८८



## दिन-रात ।

१

तम रो डील बढाळ घणो पण  
जानक काची छाती,  
परै चूटियो कोनी सकै  
तमक दिये री बासी ।

२

लोढो चांद सिलाही आधो  
अै बिदाम सा तारा ।  
घुटे ज्ञानणी री ठट्टाई  
बरसै रस री धारा,

३

जलभ्या तम रावण रे कुळ में  
भगत बिभीषण तारा,  
देख फाटता भाक गया रळ  
सूरज सागै सारा

४

गगन दोरसी तारा खीरा  
तिमिर सुओ घर ऊपर,  
सेकै भगत रसोयो बैठो  
दिन रो फलको कीं पर ।

५

तिमिर हंखड़े रै तारां रा  
लडाखुम फळ लागै,  
मावस माळण रा पग सुणतां  
चाद चोरटो भागै ।

६

करी नखत छाटां स्यूं गीली  
तम री सुखी माटी,  
काळ कुमार भाण रो दिवलो  
रख्यो जणो पौ फाटी ।

७

रगड गगन माचिस स्यू तूळी  
ऊपा री सिलगाई,  
बुझै भाण रै दिवलै री लौ  
फेरुं बगत जगाई ।

८

मा माटी री कूख जलमिषा  
थै दिवला धवतारी,  
फाढ़ किरण-शर लौ तरकस स्यू  
रात ताडका मारी ।

९

बजरमान तम गढ री भींता  
पण बंद लागै जेज ।  
करै दियै री नान्हीं सी लौ  
परकोटे में बेक ।

१०

तम हाथीखो तारा कुतिया  
भाजै भुमता लारै,  
लौ अकुश स्यूं दिवलो मावत  
राखै इण न मारै ।

११

बड़े घरां में तिमिर धिंगाणे  
बरज्यो रबै न सारै,  
दिवलै री लो दे चनपट री  
रोज माजनो मारै ।

१२

मांकळ रात सावळी जमना  
दिन गगा रो पाणी,  
नेह भवर में डूबी मीरा  
तिरथो कयीरो ग्यानी ।

१३

गगन चालणी महा काळ री  
तारा बैझ अशेष,  
छप गयासी जद तिमिर कुटळो  
रह गयासी दिन सेस ।

१४

दूज चांद ज्यू चाक हाथ में  
छोरो बगत पडैसर,  
तारा री बारखड़ी माढी  
तम री पाटी ऊपर ।

१५

कत भाण जद भटक आवख्यो  
हरख छपा घर नार,  
काळ हयेळी ऊपर घरियो  
दिखस पतासो ह्यारै ।

१६

देख वारणै व्यायो तम ने  
काटयो लो रो टीको,  
दिवलै री करुणा मावस रो  
रग कर दियो फीको ।

रोहीड़ो ! (१)

कद स्युं  
ऊवो है

आपरी  
 छरजा रे पाष  
 रुखा पुगवा म्भु  
 लदयोदो  
 निरजल घरती पर  
 रोहीदे रो रुग् १  
 कोनी कर मकी  
 चेताचूष  
 सुरज री गरी मीट  
 यलपलनी सूझा,  
 येथे हज री नम नम मे  
 बहेरा रो बलिदानी रगत,  
 चीत है ई ने  
 ये रजयका गायकमस  
 सीलरती पदमप्या  
 जका पटा'र मायो  
 जगा'र जोहर  
 रातयो आमन रो मान,  
 ई रा ही घरम भाई  
 रोजडा'र पाग  
 यथापणे रे जोग  
 जका री  
 ऊजळी कीरत,  
 करे जद छै, सुन्वाइ मे  
 व्यापम मे मतळ  
 सुण'र यम ज्यावे  
 एयेमाग भागतो बगत  
 गुल ज्यावे इतिहास री  
 लपदीठ  
 तीमरी आंख १

रोहीड़ा ! (२)

लिया  
नैणा मे

खड़े फूलां रा सपना  
 ऊभो  
 रिण रोही मे  
 बजर देही रोहीहो,  
 दियो  
 इण नै जलम  
 कचन वरणी  
 कुआरी भरती,  
 फोनी मछ्योडा  
 छठीने  
 कोई रे पगां रा खोज  
 टळगी परे स्यू ही  
 चुगलखोर गेह्यां,  
 रमै छयां तळे  
 भोला सुसिया  
 करे हताया  
 यातेरण कमैछ्यां  
 लडावे  
 कबळा पानझा नै  
 हेतालू पून  
 पण मनासी  
 कता दिन खेर  
 बापडे  
 यकरिये री मा :  
 फिरै  
 सोधठी  
 इण नै  
 जीव री गैरण  
 दातली करोत '

भूल !

खा वोकरी  
भूखी आख्या  
आखी समर  
घोखो,

कठै पखी ही  
कोरै

रग-रूप  
चटक मटक में  
हैत री सौरभ ।

सगळा हा  
बागजी फूल  
आई समझ में भूल  
सिंधियां टढ़ियां,  
जद ये रया  
विगस्योढा  
बियां रा मियां ।

१५-६-८६



शुग घरम !

सीखरया  
हवाळी  
खाजरू री  
बोली,  
कोनी करणी पहे  
अवै  
भण सारु  
घणी  
भाग दोड  
आ ज्यासी  
मतै ही  
चाल'र  
माद मै  
भेडा भोळी ।  
१५-६-८८

आदमी !

मिन्न ज्यासी  
घणाई  
हिन्दू'र सुमळमान  
बौद्ध'र किरम्तान  
पण सोधणो पळसी  
इण जाही भीड रै जंगळ में  
निष्कालिम आदमी ।  
कोनी छापा'र तिलक  
डादी'र चोटी  
बीं री पिछाण  
कोनी झाघे बीं  
मंदिर'र मनजिद  
मठ'र गिरजाघर में  
बो तो है  
घारे माव ही लुक्थोडो  
आसी धारै  
बीं गिण  
जद वृ उत्तार'र मुखोटी  
देखमी सगळा मिनखा में  
बाप'र भाई  
हरेक लुगाई में  
बेटी'र भाई ।  
६-७-८८

## मोटो सिरजण !

लाघ ज्यासी  
रिंद रोही री  
दाणी तकायत में  
दिवळो'र दरपण  
चावै हरेक पग  
देखणी मारग  
हरेक दीठ  
छणियारो,  
कोनी कर सक्यो मोटो मिनख  
आज ताईं  
ला दोन्या स्यू बडो  
और कोई सिरजण !  
२७-७-८६

## चीड़ी चीड़ो !

कोनी देख्यो  
कदेई एकली  
चिड़कली नै  
घाळता आळो ।  
उठतो रवे ओळू दोळू  
यीं रो मोठ्यार चीळो,  
पण करै  
सिरजण सारू  
घण करी'क खेचळ चीळी  
निभावै चीळो तो  
कणाई ल्यार  
एकाघ घोचो  
ससार रो बैवार  
पण चिड़कली री  
आख्या भै  
एक भविस रो सपनो  
एक अनदेखी साच,  
जकी कोनी लेण देवै  
चनेक ही  
कोई जायण नै जक ।  
२५-८-८८

## साची बात !

धनू आसो तक्ता तक्ता  
आयो मेह अमाद छतरता,  
तिरगा मरतो घरती भीजी  
मोठ गुबार बाजरी बीजी,  
माव निकळ्यो सुनो सावण  
भादूदे ने दे भोळावण,  
पण कुण किण रो कारज सारे  
मगळा भाजे मन रे सारे,  
के कुदरत री करी बुराई !  
मिनण मिनण मे आ खोटाई !  
२६-८-८६

भरम !

मेलता ही  
एक पग आगे  
आ'रयो  
वा ही  
सागी गेली मुडागे  
जको छुट्या हो  
चनेक पैली लारै,  
इया ई  
सगळो सत्तार  
साव लुक मीचणी री रमत,  
नहीं ई मे  
कोई कठेई गमे  
न कोई लाथै,  
ओ तो खुयोखी दीठ रो  
एक भरम फक्त !  
६-६-८६

पडूतर !

सागै  
जागते ने  
जगठ साचा  
नोद मे सूते ने  
सपनो,  
किसी साच  
किमी सूठ !  
का सोकयू ईं ही भरम !  
ठमगी कलम  
देख'र दरपण  
खणभूतीज म्यो मरम  
दोन्यु ही  
जीव रा ईठ !  
दीठ'र खदीठ !  
पेट'र पीठ !  
२५-६-८८

सरब भकसी !

कुण है इस्यो

जको

मिला सके

काळ री अपलक आंख स्युं

आंख !

इण सरब भकसी री

सपलप करती

सोने री जीभ

आ बासदे,

आ आखी धरती

पसारथोड़ी हथेळी

जिण री गरमी स्युं

पिळगळ'र हुळ्यावै नागा

डीघा हिमाळा,

नाच कूद'र

जकी पर

धाप ज्यावै

बापवा बडबोला समन्दर !

ओ भमतो बायरो

इण रो रणजयी घोडो

थाम सके लगाम

आ किण री खिमता !

ओ गिगनार ही

एक इस्यो

जको कोनी करे

चीनी'क गिनार

सुण'र

यादळिया रे

ओले लुकयोडे

इण डाकी'रीं डकार !

१६-६-८८



तारा !

गिटग्यो  
चटोक्की अघेरो  
सूरज रो  
तातो पत्तासो,  
सपडभ्या  
जीभ पर फाला  
धै ही  
बोकी सारू  
आमै रा तारा ।

सूरज !

ले ज्वाबै

बगत

दिन दळ्यां

ठापरै घरा

अंधेरै री

द्विदी बणगट री

बोरी में

घाल'र

तारा रा कणुका,

पीम'र

बां नै

अगूण री चाकी में

घर घिराणी ऊषा

रोज वणा देवै

सूरज री

तातो रोटियो ।

२८-६-८६

मिनख'र तितळी !

समझ'र  
लाल रंग रे  
चोळै नै  
पुळाय रो फूल  
आ'र  
बैठगी  
धूमै पर  
मतरंगी तितली,  
करषो  
पकडणै मारु  
जद हाथ ऊँचो  
वा लडगी  
सोच'र  
किया डुरयो  
इण रुढै रुँखइ रो  
लुंमडै मिनख जित्यो सभाव !  
६-१०-८८

## गतागम !

कहणी जकी करीजै कोनी  
लिखणी जकी लिखीजै कोनी,  
सबद बिरम अपसीजै कोनी  
रचना रम्य रचीजै कोनी,

एकल रास घलीजै कोनी,  
राधा बिना रमीजै कोनी  
भोळो जीव पतीजै कोनी  
सिचल्यो इयां रहीजै कोनी !

७-१०-८६

नेता'र जनता !

ममकृनी

सस्ता रा सौभी

नेता

जनता नै

कान में

टाग्योड़ी बीड़ी,

सिलगा दे

जणा कणार्ई'

काट'र

चुनाव री दूळी,

फेर कोनी छोड़ै

निमघा

बापड़ी री लार

जठे ताई'

नहीं दासै

या री

आपरी आगळ्या !

७-१०-८८

## सौगात !

सै बगत बगत री  
बाता है,  
दिन थोछा लाबी  
राता है,

जे पूरो नेह  
नहीं भरसी,  
दिवलै री बाती  
जळ मरसी,

अै माटी री  
अपघातां है,  
सै बगत बगत री

कुण !

कुण

फूल में

बिगसे'र छरे !

कुण

फळ में

पाके'र खिरे !

कोई कबै

बीज

कोई कबै

बगव

पण मनै लागै

आ

अणत री

अणाद रमत !

८-१०-८६

सौगात !

सै बगत बगत री  
बाठा है,  
दिन ओछा लांबी  
राता है,



माटी ।

माटी रो ईश्वर पूजीजै  
माटी री गणगौर,  
आग, पुन, जळ, खंवर आं मे  
माटी है सिरमौर ।

जीव जिनावर पांख पखेरू  
फळ फूलां रा रूख,  
देह धरावे जिवा जूष नै  
मा माटी री कूख,

मरवै मर्ये नै, सहवै गळ्ये नै  
कुण दूजो लै माम ॥  
तथास्तुत सगळी री करणी  
माटी रो ही काम,

सूरज चांद सितारा अणगिण  
माटी रा आकार,  
किण री खिमता अको नाप लै  
माटी रो बिसतार ॥

१३-१०-८६

भेद बुध !

फूल'र

सूख रहे

मूळ में

बबै

रुंछ रो

वो ही सागी रस

फेर किया हुई

रचणा री किरिया

न्यारी न्यारी :

×

×

×

आ मिनछ री

भेद बुध

जकी कोनी देख सकै

बिन्धा करयो दुक्का

आखी साच रो

छणियारो :

१४-१०-८६

## कुंधारी साच १

जसमै  
साच ही कूग म्यं  
मवनो  
दन कोनी मानै करेई  
आ बाठ बै  
जका  
मनछै साच नै  
अबन कुंधारी !  
१४-१०-८६

उठ, कर कूच !

कयो

मती हारथोड़े

बटाऊ नै गेलो

काहँ हुबै थकेली !

मैं तो चालूँ

हर पल, हर खिण

को रात गिणूँ न दिन

उठ, कर कूच

मनै सुणीजे

इकलंग

तनै बुलाती

मंजल रो हेली !

१४-१०-८८

साथ !

दृष्टग्यो

आँखों रो भरम

असै तो सागे

ओ संसार

एक अणहुणी

जकै में

निरधक है मोचणी

व्यवस्था री बात

चाळणो पढ़सी

नारा उछाळती

भीड़ रे रेले रे सागे

जकै में

कोई कोनी सभझे

किण ने ही

ओळखणे री जरूरत ।

१५-१०-८६

औघद !

कोनी बगत रे

झाँख

पण

फिरै खल्लतो

पकड़या

डोकरी पुन री आंगळी

दुखै

घरती रे गोबणियै मे

रात री भैम रो दूध दिन

सेकै

तारा री भोमर मे

चाद री चाटी

घरे आमे रे, थाल मे

सूरज री इढली

छमके समदर रो

मल्लूणी रायतो

गिटे गासिया सगै

आखी जीवा जूण

हं मियाहीण ने

भोळो मिनग्व कवे हूण !

१५-१०-८६

सन्दर्भ !

जे नहीं जायें तू  
चित्रराम रे  
सागे लुइयोकी कथा  
तो उन्हें लागसी  
ऊँठ पर सवार  
ढोला'र मारू  
कोई गेलै बगता बटाऊ,  
कोनी ठेरे बाँ पर  
चनेक ही घारी  
अणसैधी दीठ  
चट सिरक'र  
टिक व्यामी  
यीं फूळ रे  
चित्रराम पर  
जके री मीठी सौरम है  
घारी सामा नै चीत ।

१५-१०-८६





## चौमासो !

बगता

चौमासे री

गैढी ज्योही राता में

आवै खेता में ऊमै

लीलै घान री

मन मोषणी सौरम,

गमकै काकड़िया'र मतीरां रा

चिया'र फुलडा

जाणै खोल दियो ह्वै

कोई गधी

फुलेल रो अतरदान,

कोनी पनपै पण

भूख ज्यू जूकती इण

जीवट री घरती पर

पोतडा रा अमीर

मोलसिरी, हर सिंगार'र रात राणी

पण मैकै

इण सोनल रेत री

राम रमै जिमी रोही में

करमै'र कमतरियै री

आत्मा री सुवाम ।

१६-१०-८६

## आलोक पुरुष !

क्यो

पून्पू री रात ने

दीषट पर येठो

साव छदास दिबलो

अवे तू सोच लेई

गुमेजण

घारो चनरमा,

काल स्यू ही

बघण लाग ज्यासी

म्हारी कुमळायोडी जोत

आतां आता

म्हारी भायली भावस

बघ ज्या स्यू मै ही

ई बघेरीज्योडी घरती रो

आलोक पुरुष ।

२०-१० ८६

दिखजो ।

तारां री भेखा ठोक्खोछा  
तम-गढ प्रोळ किवाड  
डरे मारवा हाथी भेटी  
भीत्ते मावत जाड,

पण दिवले री लो री सुढी  
तोड़ै बजर-कपाट,  
किरणां री रेठी सूरज री  
बेनी देवै काट ।

१६-११-८६

## दिन'र रात ।

बीतता ही  
दिन पतझर  
आरयो  
गगण बन में  
बसन्त,  
फूटगी  
तम रुंछहे रे  
रुं रुं में  
तारक भीझर  
फैलगी  
चौफेर दिमावा में  
उजास री भीणी मैक  
बाजण लागरयो  
मतेई  
मन सुरली पर  
मिलण रो गीत  
सुण'र आवै  
खितिल ओट स्यूं  
निकल'र  
चन्द्रमुखी राधा ।

३०-१-८०

## नीमढ़ो

अमरित रस रो  
हारो नीम,  
मीठो लागै  
खारो नीम,

अणसारा रो  
सा'रो नीम,  
घारो है  
पतियारो नीम,

रोग अभाध  
नसावै नीम,  
मरता मिनख  
जिवावै नीम,

शूरा शरणे  
झावे नीम,  
मोटा घाव  
सुखावे नीम,

थाक्या ने  
सेळावे नीम,  
ठळी छया  
विछावे नीम,

राधा किसन  
हिडावे नीम,  
गीतां मे  
गम ज्यावे नीम,

जठे कठे  
सग ज्यावे नीम,  
मरु स्पू हेत  
निभावे नीम,

जामण ऊपर  
बारै नीम,  
लुळ लुळ घणो  
जुहारै नीम,

आभे ने  
सलकारै नीम,  
ऊँचा हाथ  
पसारै नीम

डांफर भवे  
दिगम्यर नीम,  
सु लिपटावे  
तरवर नीम,

कद निसकारो  
नाखै नीम ।  
छाती करडी  
राखै नीम,

चेत लागता  
ऊलै नीम,  
हीरक मीकर  
फूलै नीम,

नीलम पन्नो  
हरियल नीम,  
तांबी वरणी  
कूपळ नीम,

मद्यु सौरम  
मैकारै नीम,  
भोमाखश  
भणकारै नीम,

रतन निबोळ्या  
ल्यावै नीम,  
पाक्या कनक  
लजावै नीम,

व्याध्या मे  
सुसावै नीम,  
मेहा नेहा  
म्हावै नीम,

पाख पखेरु  
वासो नीम,  
सैं'रो मामो  
मासो नीम,

छपगारी  
वनवासी नीम,  
बणखो  
गाव निवासी नीम,

म्हारो है  
पाखोसी नीम,  
समदरसी,  
सतोपी नीम,

सगुण निगुण  
सन्धासी नीम,  
म्हारी मधरा  
काशी नीम,

कळप विरछ  
छगियारै नीम,  
नचिकेता  
जमद्वारै नीम,

नीलकठ  
विष मारै नीम,  
कद कोई स्यू  
हारै नीम ।

धारो सफळ  
जमारो नीम,  
जस रो घुरे  
नगारो नीम,

पण तू वेली  
म्हारो नीम,  
दे स्यू में  
रैकारो नीम ।



बद निसकारो  
नाखै नीम !  
छाती करखी  
राखै नीम,

चैत लागता  
ऊलै नीम,  
हीरक मीकर  
फूलै नीम,

नीलम वन्नो  
हरियल नीम,  
तांवां बरणी  
वूपळ नीम,

मधु सौरम  
मैकारै नीम,  
मोमाखण  
भणकारै नीम,

रतन नियोळ्यां  
ल्यावै नीम,  
पाक्यां कनक  
लजावै नीम,

आध्यां मे  
सुसावै नीम,  
मेहां नेहां  
न्हावै नीम,

पाख पखेरू  
बासो नीम,  
सैंरो मामो  
मासो नीम,

सपगारी  
वनवासी नीम,  
वणख्यो  
गांव निवासी नीम,

म्हारो है  
पाडोसी नीम,  
समदरसी,  
सतोषी नीम,

सगुण निगुण  
सन्यासी नीम,  
म्हारी मधरा  
काशी नीम,

कळप विरद्ध  
छणियारै नीम,  
नचिकेता  
जमद्वारै नीम,

नीलकण्ठ  
विष मारै नीम,  
कद कोई स्यू  
हारै नीम ।

थारो सफळ  
जमारो नीम,  
जस रो घुरे  
नगारो नीम,

पण तु बेली  
म्हारो नीम,  
दे स्यू में  
रेकारो नीम ।